



HADŽI BAJRAM EF. HODŽA (13.2.1894 – 6.1.1982)

Restelica se sjeća i pamti imena mnogih imama, mualima i muderisa. Bajram ef. Hodža, koji je skoro šezdeset godina bio imam u selu, posebno će ostati u sjećanju i historijskom pamćenju mnogih generacija iz Restelice, ali i cijele Gore. Bio je sedmi imam po redu iz porodice koja je tradicionalno davala hodže u selu. Prvi imam iz ove loze bio je mula Adem, a poznati su još i mula Šaban, mula Osman, mula Memiš i hadži Rašid-efendija. Iz Restelice su i poznati imami mula Kadrija, mula Ćamil, hadži Daut, mula Ibrahim, mula Bejtula i drugi.

Pri resteličkoj džamiji djelovala je ruždija i mekteb za mušku i žensku djecu. Prvi mualim bio je mula Daut, koji se po povratku iz Turske, otvorio mekteb na goranskom govoru. Njega je naslijedio mula Kamber, koji se također školovao u Turskoj. Poslije mula Kambera mualim je bio muderis hadži Rašid-efendija, koga je naslijedio njegov sin mula Ćamil, koji je preselio na ahiret pri kraju osmanskog perioda.

Bajram ef. Hodža je rođen 13. februara 1894. godine u Restelici, od oca Šabana i majke Džemilje. Medresu je završio u Bajrakliji u Prizrenu. Imamsku obavezu je preuzeo 1923. godine, nakon penzionisanja mula Šabana (preselio 1950. godine kao stogodišnjak). I mula Šaban je medresu završio u Bajrakliji, dok je za hatiba proglašen 13. temuz 1305. (1888).

Bajram ef. Hodža je vojsku služio u Kraljevini, a zbog dobrog rukopisa obavljao je dužnost pisara. Poznato je da je bio jedini vojnik u jedinici koji je imao pravo da nosi bradu.

Bio je veoma pismen i obrazovan čovjek. Pripadao je plejadi velikana iz Gore, koji su joj podigli ugled i poštovanje kod svih susjeda. Koristio je arapsko pismo, ali je dobro poznao ćirilicu i

latinicu. Imao je izuzetno lijep rukopis, a njegova slova su pravi kaligrafski biseri. Dugo godina je vodio maticu vjenčanih Džemata Resteličkog (od 1929. do 1945. godine).

Posebno je bio aktivan u vrijeme usvajanja Zakon o zabrani nošenja zara i feredže (1950). Oštro i mudro se suprotstavio ovoj državnoj akciji, čime je ugrozio ličnu bezbjednost. Vlast je vršila pritisak na njega, oduzela mu imovinu kako bi ubijedio džemat Gore da ženama skinu feredže. On je pametnom i mudrom politikom prema komunistima uspio da ih ubijedi da narod Gore ne želi skinuti feredže. Više puta su mu pripremali zasjedu, zbog čega je bio prinuđen da često mijenja pravac kretanja do Dragaša, gdje se morao „javljati“ organima reda.

Do kraja života radio je na zaštiti vjerskih sloboda i uvjerenja, zalagao se za ravnopravni tretman i autonomnost u radu vjerskih zajednica, te zaštitu imovinskih prava vjerskih zajednica i vakufa.

O životu i djelu Bajram ef. Hodže pisali su vjerski listovi i časopisi u Sarajevu i Novom Pazaru („Glasnik“, „Preporod“, „Glas islama“ i dr.).

Imao sam čast i privilegiju da sam lično poznao efendiju Bajrama Hodžu, jer smo održavali stalne porodične veze. U čestim kontaktima upoznao sam veličinu ovog alima i mudrog čovjeka. Neka mu Allah dž.š. podari lijepi džennet!

(Zahvaljujem se na pomoći Muhamedu Muhi Hodža, unuku Bajram efendije)

Priredio: prof. Sadik Idrizi



Редни број Redni broj	Година, месец, дан Godina, mesec, dan		ВЕРЕНИК И ВЕРЕНИЦА				
	Венчања Venčanja	Пушњања Pušanja	Број до- мовнице Broj do- movnice	Њихово име презиме и занимање Njihovo ime prezime i zanimanje	ЖУПАНИЈА, СРЕЗ, МЕСТО ŠUPANIJA, SREZ, MESTO		Вера Vera
					Рођена Rodjenja	Становања Stanovanja	
1	2	3	4	5	6	7	8
10	1933 Хилвауу девети дан улигесет септембра (7)		9.	Вахид Халил Бозанија	Банов. Вардгар Срез Тореви	Банов. Вардгар Срез Тореви	Мелани
	1937 Хилвауу девети дан улигесет септембра (21)		107.	Зумзаре Салима доматица	Банов. Вардгар Срез Тореви	Банов. Вардгар Срез Тореви	
11	1937 Хилвауу девети дан улигесет септембра (21)		284	Хусеин Химеди појамин	Бан. Вардгар Срез Тореви	Бан. Вардгар Срез Тореви	Мелани
	1937 Хилвауу девети дан улигесет септембра (25)		65	Зумшана Зехир доматица	Бан. Вардгар Срез Тореви	Бан. Вардгар Срез Тореви	
12	1937 Хилвауу девети дан улигесет септембра (25)		285	Џајран Мелани Бозанија	Бан. Вардгар Срез Тореви	Бан. Вардгар Срез Тореви	Мелани
			222.	Зумрија Невоки доматица	Бан. Вардгар Срез Тореви	Бан. Вардгар Срез Тореви	

Мелани. Уман
Џајран Невоки